



De STHB (Stadtheimatbund Münster e. V.)

is för alls dao, wat met mönsterske Heimatkultur to doon hät. He bütt siene 33 Vereine Hölpe bi Heimatpläage, Heimatföörskung un Präsentation van iähr Doon.

He möch daoto bidriägen, dat Mönster sienen Patt wiedergeiht äs Stadt van Wiettenschop un Liäwensard.

He arbeitet daoför, dat Mönster in en Europa, wat ümmer mähr bineenwäss, Mönster bliff: de schöne Stadt in de Midde van de hele Region, de Stadt, in de to liäwen sick lauhnt un Freide mäk.

He will methelpen, dat all dat Guede, wat düör 1200 Jaohre in Mönster wassen is un et druogen hät, siene Kraft behällt.

He geiht daovan uut, dat jedereen in de Büörgerschop van Mönster sick för dat Hele tostännig föhlen un engageren kann un sall; dat bedräpp besunners de Arbeit in de Vereine un in en Ährenamt. So kann dat, wat de STH B dööt un will, up breiden Grund in de Stadtgeschop staohn.

Uut dat graute Spektrum van STH B-Aktivitäten sallt hier drei nommt wärden:

- Mönster äs Stadt van den Westfäölsken Friäden van 1648 un äs Friädensstadt vandage wiederbrennen,
- de nederdüütske Kultur in Spraoke, Literatur, Leed, Thriaoter usw. bewahren un pläagen,
- Mönsters Büörgerschop upmüntern, sick för de Stadt to engageren.

Afriet-Riemsels

Lesmaond / Februar 2024

De platte Spraok

Iek sin noch ut de olle Tiet,
äs alle Lüde wiet un siet
in Huse un up jeden Patt

noch künden usse schöne Platt.
Dat leuwe Platt, dat lütt so trü!
Dat lütt so olt un lütt so nie,

wät nich met Waogen miäten,
kümp groff un fien von Hiärten.
Iek häb alltiet platt kürt un dacht

un häb platt griennen un platt lacht,
segg auk vandag met platten Sinn:
Ih leuwen Lü', kuemmt alle in un sett't Ju, is de Stohl auk hatt,
un freit Ju, iät't un drinkt up platt!

August Hollweg Swattbraut, Aschendorf Münster 1953

Spruch des Monats:

En propper Plat is jüst so fien äs
Engelsk, Haugdüüdsch un Latien.

Wörterklärung/Wörde:
lütt – lautet, klingt; Waoge – Waage;
miäten – (ge)messen

Stadtheimatbund Münster e.V.
Geschäftsstelle im historischen Torhaus
Neutor 2 | 48143 Münster
Tel.: 0251 98113978
info@stadtheimatbund-muenster.de
www.stadtheimatbund-muenster.de

STH B